



Broj: 04-04-4-1823/24  
Sarajevo, 4. 6. 2024. godine

**SAOPĆENJE O IZVRŠENIM FINANSIJSKIM REVIZIJAMA  
KORISNIKA BUDŽETA FBiH – OBAVEZNE GODIŠNJE REVIZIJE  
ZA 2023. GODINU**

Ured za reviziju institucija u Federaciji Bosne i Hercegovine izvršio je finansijske revizije 19 korisnika Budžeta FBiH za 2023. godinu, i to Parlamenta FBiH, Predsjednika i dva potpredsjednika FBiH, Vlade FBiH (Generalnog sekretarijata) i 16 ministarstava. Ove revizije se vrše svake godine, u cilju davanja nezavisnih mišljenja o izvršenju budžeta i finansijskim izvještajima, korištenju resursa i upravljanja imovinom. Rok završetka ovih revizija je 90 dana od dana podnošenja godišnjih izvještaja. Ukupno izvršenje budžeta ovih institucija je 2.829.503.806 KM, što je više za 28% u odnosu na prethodnu godinu.

Izvještaji o finansijskim revizijama dostavljeni su revidiranim institucijama, Parlamentu Federacije Bosne i Hercegovine, Vladi Federacije Bosne i Hercegovine, predsjedniku Federacije Bosne i Hercegovine i Federalnom ministarstvu finansija, te su objavljeni na internet-stranici Ureda za reviziju: [www.vrifbih.ba](http://www.vrifbih.ba).

Finansijska revizija izvršena je u skladu s INTOSAI-jevim Okvirom profesionalnih objava, a obuhvatila je reviziju finansijskih izvještaja i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonima i drugim propisima. **Za finansijske izvještaje dato je 18 mišljenja bez kvalifikacije (pozitivna) i jedno mišljenje s rezervom, a za usklađenost sa zakonima i drugim propisima dato je sedam mišljenja bez kvalifikacije (pozitivna) i 12 mišljenja s rezervom.**

S ciljem otklanjanja utvrđenih nepravilnosti, te jačanja sistema internih kontrola i finansijskog upravljanja, u izvještajima je **dato 237 preporuka**, od čega je 130 iz ranijeg perioda i 107 novih preporuka. Navedeno ukazuje na to da je većina preporuka iz ranijeg perioda i da je potrebno preduzeti intenzivnije aktivnosti na njihovoj realizaciji, kako bi se osiguralo transparentno i efikasno upravljanje budžetskim sredstvima.

Izvršeno je praćenje implementacije ranije datih preporuka, te je utvrđeno da je 44% potpuno i djelimično realizovano, 46% je nerealizovano i 10% je ocijenjeno kao neprovodivo.

Utvrđene nepravilnosti najviše se odnose na neusklađenost poslovanja sa zakonima i drugim propisima, odnosno odstupanje od uspostavljenih kriterija za reviziju. Najznačajniji nalazi utvrđeni su u vezi sa:

- planiranjem, iskazivanjem, raspodjelom i nadzorom nad namjenskim utroškom tekućih transfera, koji predstavljaju izvršena nepovratna davanja fizičkim i pravnim licima, udruženjima i nižim nivoima vlasti za tekuće svrhe;
- neefikasnim obavljanjem poslova iz nadležnosti određenih budžetskih korisnika;
- provođenjem postupaka javnih nabavki;
- provođenjem godišnjeg popisa imovine i obaveza.

U izvještajima je skrenuta pažnja na određena značajna pitanja, koja ne utiču na mišljenja, ali su navedena zbog njihove značajnosti i većinom predstavljaju pitanja koja revidirani subjekti nisu u mogućnosti samostalno riješiti. Također se na određena pitanja skreće pažnja Parlamentu FBiH i Vladi FBiH kojima se dostavljaju svi izvještaji, radi njihove informisanosti.

Pitanja na koja je skrenuta pažnja kod većeg broja budžetskih korisnika odnose na:

- evidentiranje rashoda i izdataka u tekućoj godini, iako je poslovni događaj nastao u narednoj godini;
- isplaćene naknade zaposlenicima za rad u komisijama, za koje i dalje nisu osigurani uslovi budžetskim korisnicima da primijene odgovarajuće stope poreza i doprinosa;
- revalorizaciju stalnih sredstava koja nije izvršena za 2022. godinu, jer nisu bili obezbijeđeni tehnički uslovi kroz modul stalnih sredstava, što je imalo za posljedicu da su početna stanja stalnih sredstava na 1. 1. 2023. godine potcijenjena. Izmjenom propisa u 2023. godini, prestala je obaveza revalorizacije;
- otvorene namjenske račune izvan Jedinog računa Trezora, za realizaciju razvojno-investicijskih projekata finansiranih iz kreditnih i grant sredstava;
- neujednačen pristup kod donošenja odluka o radnom vremenu i vođenja evidencija o radu kod budžetskih korisnika.

Očekuje se da će u narednom periodu Parlamentarna komisija odgovorna za reviziju održati rasprave s rukovodiocima revidiranih institucija u vezi s izvršenim revizijama i time pozitivno uticati na implementaciju preporuka i otklanjanje utvrđenih nepravilnosti.

U prilogu je pregled revidiranih budžetskih korisnika, datih mišljenja i broja preporuka. U skladu s Planom revizije za 2023/2024, preostali izvještaji finansijske revizije bit će sukcesivno objavljivani, po okončanju, a do 30. 9. 2024. godine.

**GENERALNI REVIZOR**  
**Dževad Nekić**



**Prilog: Pregled datih mišljenja korisnicima Budžeta FBiH za 2023. godinu**

Red. br.	Korisnici Budžeta FBiH	Dato mišljenje za		Ukupan broj datih preporuka za 2023. g.	Broj nerealizovanih preporuka iz prethodnog perioda	Broj novih preporuka za 2023. godinu
		finansijske izvještaje	Usklađenost poslovanja			
1.	Parlament Federacije BiH	Pozitivno	S rezervom	13	7	6
2.	Predsjednik i dva potpredsjednika FBiH	Pozitivno	S rezervom	14	12	2
3.	Vlada Federacije BiH (Generalni sekretarijat)	Pozitivno	Pozitivno	5	3	2
4.	Federalno ministarstvo unutrašnjih poslova	Pozitivno	Pozitivno	9	2	7
5.	Federalno ministarstvo pravde	Pozitivno	S rezervom	11	7	4
6.	Federalno ministarstvo finansija	Pozitivno	S rezervom	23	19	4
7.	Federalno ministarstvo energije, rudarstva i industrije	Pozitivno	S rezervom	14	10	4
8.	Federalno ministarstvo prometa i komunikacija	Pozitivno	S rezervom	15	9	6
9.	Federalno ministarstvo zdravstva	Pozitivno	S rezervom	27	14	13
10.	Federalno ministarstvo trgovine	Pozitivno	Pozitivno	7	1	6
11.	Federalno ministarstvo prostornog uređenja	Pozitivno	S rezervom	21	7	14
12.	Federalno ministarstvo poljoprivrede, vodoprivrede i šumarstva	Pozitivno	S rezervom	11	6	5
13.	Federalno ministarstvo za pitanja boraca i invalida odbrambeno-oslobodilačkog rata	Pozitivno	Pozitivno	10	6	4
14.	Federalno ministarstvo razvoja, poduzetništva i obrta	Pozitivno	Pozitivno	6	1	5
15.	Federalno ministarstvo rada i socijalne politike	Pozitivno	Pozitivno	11	4	7
16.	Federalno ministarstvo kulture i sporta	S rezervom	S rezervom	12	10	2
17.	Federalno ministarstvo raseljenih osoba i izbjeglica	Pozitivno	Pozitivno	7	3	4
18.	Federalno ministarstvo obrazovanja i nauke	Pozitivno	S rezervom	12	5	7
19.	Federalno ministarstvo okoliša i turizma	Pozitivno	S rezervom	9	4	5
<b>UKUPNO</b>				<b>237</b>	<b>130</b>	<b>107</b>